



ACORDO DE PRÓRROGA PARA O ANO 2024

A Consellería de Política Social e Igualdade, a través da dirección xeral competente en materia de menores, ten asumida segundo o artigo 14. 1. b) do Decreto 124/2022, do 23 de xuño, polo que se establece a estrutura orgánica da Consellería de Política Social e Xuventude, e ao amparo da disposición transitoria do Decreto 42/2024, do 14 de abril, a protección e a tutela dos/das menores en situación de risco ou desamparo.

A Fundación Meniños é unha entidade de natureza fundacional inscrita no Rexistro de Fundacións de Competencia Estatal baixo o número SND239, exercendo o Ministerio de Cultura e Deporte o Protectorado sobre ela.

Nos estatutos da fundación, modificados en virtude de acordo do Padroado, de data 18 de decembro de 2020, e elevados a público en escritura autorizada polo notario do Ilustre Colexio Notarial de Galicia, D. Víctor José Peón Rama, consta no seu artigo 5 que o obxecto desta Fundación é a protección da infancia de acordo co previsto na lexislación estatal e naquelas autonómicas que correspondan e aos principios recollidos na Convención dos Dereitos do Neno e demais normas aplicables, procurando e defendendo unha vida socio-familiar digna para a infancia, especialmente para os nenos, nenas e adolescentes máis desfavorecidos a raíz de inxustizas estruturais e persoais.

Así mesmo, a Fundación Meniños é unha entidade sen ánimo de lucro recoñecida e inscrita co número E1547 no Rexistro único de Entidades Prestadoras de Servizos Sociais e conta cunha longa traxectoria no traballo de ámbito social, fundamentalmente con nenos, nenas e adolescentes. Traballa polos dereitos da infancia e da adolescencia en situación de dificultade social, contribuíndo a xerar cambios que propicien un ambiente familiar de seguridade e afecto. A dita entidade ofrece servizos de intervención familiar de calidade contrastada para nenos, nenas e adolescentes en situación de dificultade social e promove os seus dereitos a medrar nunha contorna familiar que asegure o seu benestar e desenvolvemento integral, actuando, investigando, difundindo coñecemento, innovando sobre a súa atención e favorecendo a participación doutras persoas e entidades na promoción dunha cultura do bo trato á infancia e a adolescencia.

Por outra banda, a Asociación Arela, entidade de natureza asociativa constituída en virtude de acordo da asemblea constitutiva celebrada en Vigo o 20 de setembro de 1998 e inscrita no Rexistro Central de Asociacións da Comunidade Autónoma de Galicia co número 1998/127, é unha entidade sen ánimo de lucro recoñecida e inscrita no Rexistro de Entidades Prestadoras de Servizos Sociais da Consellería de Política Social e Igualdade co número E4168.



Dentro dos seus obxectivos contempla a realización de programas, recursos, actividades, a prestación e xestión de servizos relacionados coa protección á infancia, á familia e a xuventude. Ten como misión o desenvolvemento integral da infancia e da mocidade de Galicia, en risco de exclusión, en situación de desprotección ou en conflito social, fomentando iniciativas de intervención e prevención nestas situacións, de calidade e normalizadoras, cun compromiso continuo pola xustiza social, a través da implicación das persoas que a constitúen.

As actividades subvencionables por este convenio desenvolvidas por as entidades Fundación Meniños e a Asociación Arela consisten na pilotaxe dun servizo de intervención para nenos, nenas e adolescentes en situación de desprotección leve e as súas familias, co obxectivo de evitar situacións de desprotección grave que deriven na entrada destes nenos, nenas e adolescentes no sistema de protección.

Estas actividades subvencionables abarcan todos os factores de risco presentes no contexto familiar (situacións de violencia intrafamiliar, violencia filioparental, separacións de alta conflitividade, contextos familiares monoparentais e calquera outra situación que fraxilice o sistema familiar).

Estas actividades subvencionables ofrecen unha intervención familiar integral (psico-socio-educativa) flexible, adaptada a cada sistema familiar, cunha visión sistémica que entende o conflito como oportunidade, actúa sobre o potencial de cambio das persoas e os sistemas, incide na dimensión social e relacional do ser humano e atende aos estados mentais e necesidades emocionais das persoas.

A pilotaxe do servizo realízase nas comarcas do Salnés e O Barbanza. A intervención acompañaase dunha avaliación de resultados e de procesos que permita xerar criterios de calidade e de innovación para a súa implantación nas comarcas de pilotaxe e outros territorios unha vez finalizado.

As entidades Fundación Meniños e Asociación Arela son cotitulares no desenvolvemento das actuacións subvencionables. Estas entidades asumen os compromisos económicos que se deriven do desenvolvemento das actuacións desenvolvidas ao 50 % de responsabilidade, así como con carácter solidario as responsabilidades que se deriven dos incumprimentos no dito desenvolvemento.

A Fundación Meniños achegará a súa experiencia e acreditación no traballo de intervención familiar especializada e intervención terapéutica con familias vulnerables. Mentres que a Asociación Arela achegará a súa experiencia e acreditación no traballo socio educativo e orientación con nenos, nenas e adolescentes.

Tendo en conta as consideracións precedentes, pódese afirmar que a Fundación Meniños e a Asociación Arela son idóneas pola súa experiencia no ámbito da



atención aos nenos, nenas e adolescentes a través do desenvolvemento na Comunidade Autónoma de Galicia de programas e servizos no ámbito da prevención e a protección da infancia, a adolescencia e as súas familias.

Ambas entidades teñen obxectivos comúns e/ou complementarios nas áreas de intervención coas nenas, nenos e adolescentes en situación de desprotección leve e están convencidas do interese de unir e coordinar esforzos e recursos para a súa consecución.

Con este obxecto asinouse o día 23 de abril de 2024 un convenio de colaboración entre a Consellería de Política Social e Igualdade, a Fundación Meniños e a Asociación Arela.

Na cláusula Décimo Cuarta establececese que o presente convenio terá efecto desde a data da súa sinatura ata o 30 de abril de 2024.

Non obstante abranguerá as accións obxecto deste convenio que se realicen polas entidades desde o 1 de xaneiro de 2024.

Poderá prorrogarse por acordo expreso das partes por un período que non poderá ser superior a un mes, todo isto condicionado á existencia de crédito axeitado e suficiente no exercicio corrente.

Na súa virtude, e nos termos do disposto no artigo 49 da dita Lei 40/2015, do 1 de outubro, tendo en conta o importante labor que está a desenvolver esta institución na atención de menores, as partes convenientes, no nome e representación en que concorren e coa capacidade legal para este acto,

ACORDAN

Primeiro.- Prorrogar o convenio de colaboración asinado o 23 de abril de 2024. Esta prórroga entrará en vigor na data da súa sinatura e abranguerá as actuacións a desenvolver dende o 1 ao 31 de maio de 2024, nos termos e co alcance que figura no seu clausulado.

Segundo.- O importe previsto da prórroga do convenio de colaboración para o mes de maio de 2024 é de 58.932,00€.

Este gasto financiarase con cargo á partida orzamentaria 38.02.312B.481.01 e código de proxecto 2021 177 na que existe crédito axeitado e suficiente para este fin.

Para este convenio non se establece revisión do prezo.



E, en proba de conformidade, as partes asinan este acordo de prórroga do convenio de colaboración para o mes de maio de 2024, en Santiago de Compostela na data da sinatura dixital.

Pola Consellería de Política Social e
Igualdade
A conselleira
Fabiola García Martínez

Pola Fundación Meniños
O presidente,
José Manuel Villanueva Prieto

Pola Asociación Arela
O director,
Julio Barreiro González

